

A B A K A (L'Avenir)
Journal Hebdomadaire Armenien

ԲԱԺԱՆՈՐԴԱԳՐՈՒԹՅՈՒՆ
Ձրանոս 40 Ժր. Տրկ. 25 Գրմ.
Եւրոպա եւ
Արտասանման 50 « » 30 «
Արիւթիկ 5 Տոլար « » 2 «

ԱՊԱԳԱՅ

Խմբագրութեան եւ Վարչութեան
Վերաբերեալ նամակ, գրութիւն չէք եւն զրկել
Գ. ՅՈՒՆ. ՊԵՏՐՈՒԱՐ
50, Rue du Paradis — Paris (X*)

Հասցէի փոփոխութեան համար անհրաժեշտ է
զրկել երկու ֆրանկ
Զննատարաւորութեամբ ձեռագիրները եւ
չեն տրուիր:



ՔԱՂԱՔԱԿԱՆ ԵՒ ՀԱՍԱՐԱԿԱԿԱՆ ՇԱՐԱԹԱԹԵՐԹ



ԼՕՁԱՆԻ ՊԱՏՈՒԻՐԱԿՆԵՐԸ ԿՐ ՄԵԿՆԻՆ ԱՌԱՆՅ ՀԱՇՏՈՒԹԻՒՆԸ ՍՏՈՐԱԳՐԵԼՈՒ

Ինչպէս մեր վերջին թիւով զրոյս էինք, դաշնակիցները հաշտութեան պայմանները պարունակող վաւերագիրը թուրքերուն լանձնելէ ետք անոնց մինչեւ ամսոյս 3-ը (կիրակի) միջոց տուած են պատասխանելու, միեւնոյն ատեն կարգ մը նոր զինուորներ յանձն առնելով, որպէսզի թուրքերը ստորագրեն դաշնագիրը:

Կիրակի օր, կէս օրին իսմէթ բաշա կը ներկայացնէր թուրք պատուիրակութեան պատասխանը, որուն մէջ կը հաղորդուէր թէ կ'ընդունին նեղուցներու մասին դաշնակիցներու տեսակէտը եւ Մարիճայի սահմանադրութիւնը, որով Գարախան պիտի մնայ Յոյներուն ձեռքը, թէ կը հրաժարին Կէլիպոլուի թերակղզիին մէջ պահակազօրք պահելէ եւ թէ կը ճանչնան որ անգլիացի զինուորներուն թաղուած զետիները սեփականութիւնը մնան Անգլիոյ: Մուսուլի խնդրին մէջ թուրքերը կ'ընդունէին Լօրտ Բրզընի այն առաջարկը թէ՛ մինչեւ մէկ տարի անգլ. եւ թուրք կառավարութիւնները իրենց մէջ ջանան կարգադրել խնդիրը, պահելով հանդերձ ներկայ վիճակը, իսկ եթէ չկարենան կարգադրել, այն ատեն Ազգերու ընկերութեան իրաւարարութեան յանձնուի խնդիրը:

Թուրքերը չէին ընդուներ միայն երկու զխաւոր կէտեր, մէկը դաշնագրին տնտեսական պայմանները եւ միւսը քարթիկուսիօններու փոխարէն հաստատուելիք դատական նոր ըէժիմը հինգ տարուան համար, որով թուրք կառավարութիւնը պիտի ստիպուի օտարական մը ձերբակալելէ առաջ տեղեկութիւն տալ հիւպատոսին եւ ձերբակալումէն ետք եթէ դատաւարութիւն ըլլայ, օտարականը պատիժը կրէ պիտի իր պատկանած երկրին մէջ:

Նոյն օր ժամը 2.30ին, (կ. եւ) դաշնակից պատուիրակները հաւաքուեցան Լօրտ Բրզընի մօտ, քննելու համար թուրքերուն պատասխանը: Յետոյ Մ. Պօմբար եւ Մօնթանա (ֆրանս. եւ իտալական պատուիրակները) գացին իսմէթ բաշան տեսնելու որ ժամը 3.30ին հրաւիրուեցաւ Լօրտ Բրզընի մօտ, ուր զուարուած էին դաշնակից պատուիրակները: Հակառակ այս վերջիններուն պնդումներուն, իսմէթ բաշա անդրդուելի մնաց: Այն ատեն Լօրտ Բրզըն լանձնարարեց Մ. Պօմբարի եւ Մ. Մօնթանայի որ երթան եւ իսմէթի հետ կարգադրեն վիճելի խնդիրները, քանի որ թուրքերու կողմէ մերժուած կէտերը առաւելապէս կը շահագրգռէին Ֆրանսան եւ իտալիան:

Արդարեւ տնտեսական խնդիրներուն մաս կը կազմէին օսմ. հանրային պարտքը, երկաթուղիի մեծաշնորհները եւ, որոնց մէջ մանաւանդ Ֆրանսա մեծ բաժին մը ունի: Թուրքերը կ'ուզէին պարտատէրերուն առնելիք վճարել ֆրանքի ներկայ սակով, եւ 1914էն առաջ տրուած բոլոր մեծաշնորհները ջնջել: Իսմէթ բաշայի ցոյց տուած այս ընդդիմութիւնը կը բացատրուի անով որ թուրքերը վստահ էին թէ ֆրանսացիներէն եւ իտալացիներէն պիտի կշռան առնել ինչ որ կ'ուզեն, քանի որ այս երկուքը մանաւանդ ֆրանսացիք բարձրաձայն կը հռչակէին թէ ամէն գնով կ'ուզեն հաշտութիւն ընել թուրքերուն հետ:

Մինչ Մ. Պօմբար եւ Մօնթանա յուսահատական ճիգեր կը թափէին թուրքերուն մօտ, Լօրտ Բրզըն պատրաստել տուած էր իր մասնաւոր կառախումբը, մեկնելու համար:

Ժամը 7.30ին դաշնակից պատուիրակները կրկին զուարուած ունեցան խօսելու համար թուրքերու հետ: Կէս ժամ ետքը այս վերջինները կը մեկնէին միայն Լօրտ Բրզընի ձեռքը սեղմելէ ետք, ինչպէս կը զրէ «Բրթի Բարիգիէն» թղթակիցը: Իսմէթ բաշա Հասան եւ Ռիզա Նուր պէյերունման ծայրայեղներու թիւադրանքին անսլով անդրդուելի մնացած էր:

Լօրտ Բրզըն մեկնեցաւ կայարան, իսկ Մ. Պօմբար եւ Մօնթանա վերջին փորձ մըն ալ ընելու համար գացին իսմէթ բաշան տեսնելու, բայց ապարդիւն եղաւ, եւ Մ. Պօմբար կայարանին մէջ հաղորդեց Լօրտ Բրզընի թէ գործը ձախողած է: Ասոր վրայ մեկնեցաւ Լօրտ Բրզըն, անգլիական պատուիրակութեան բոլոր անդամներուն հետ:

Մ. Պօմբար երկուշաբթի առաւօտ նոր տեսակցութիւն մը ունեցաւ իսմէթ բաշայի հետ, որ Լօրտ Բրզընի մեկնումէն ազդուած, կ'ուզէր միտք փոխել եւ հաւանութիւն լալտել ստորագրելու, քանի որ Ֆրանսայի կողմէ եղած էր նոր զինուոր մըն ալ, սա միտքով թէ դաշնագրին տնտեսական մասը անշատուի եւ այս խնդիրը թուրքիոյ եւ Ֆրանսայի միջեւ առանձին կարգադրուի մինչեւ մէկ տարի:

Մ. Պօմբար Բարիգ հասաւ երկուշաբթի կէս օրէ ետք, հետք բերելով այն լուրը թէ՛ թուրքերը տրամադիր են ստորագրելու: Ասոր վրայ Մ. Բուանքարէ Լոնտոնի եւ Հոմի դաշիններուն մօտ դիմեց, որ անմիջապէս լիազօր պատուիրակներ զրկուին Լօզան, հաշտութիւնը կնքելու համար: Սակայն Անգլիոյ զանիճը, որ Լօրտ Բրզընի Լոնտոն ժամանումէն ետք

մանրամասն տեղեկացած էր Լօզանի իրադարձութեանց, յետ խորհրդակցութեան պատասխանեց թէ՛ նոր սակարկութիւններէ խուսափելու համար պէտք է որ իսմէթ բաշա զրաւոր կերպով լալտնէ թէ կ'ընդունի ստորագրել փետր. 4ին իրեն ներկայացուած դաշնագիրը նոյնութեամբ:

Այս միջոցին իսմէթ բաշա կ'երեւէր թէ նորէն միտքը փոխեց եւ որոշեց ինկիւրի երթալ, հաւանութիւնը ստանալու համար թուրք Ազգային ժողովին: Թուրք պատուիրակութիւնը մեկնեցաւ չորեքշաբթի առաւօտ: Նոյն օր, իրիկունը դէպի Պերլին գերմանական մասնաւոր կառախումբով մեկնեցաւ Մ. Զիշէրին, որ յայտարարեց թէ Ռուսիա կը մնայ թուրքիոյ միակ ճշմարիտ բարեկամը:

Իտալական եւ Պալքանեան երկրներու պատուիրակութիւններն ոյն պէս մեկնած ըլլալով, Լօզանի մէջ այլեւս մէկը չէր մնար:

Լօզանի խորհրդածոյցին ձախողութեամբ վերջացած ըլլալը պաշտօնապէս հռչակուած չըլլալով՝ Մուսանիոյ զինադադարը պիտի շարունակէ ի գործ ըլլալ, մինչեւ որ հաշտութեան բանակցութիւնները վերջնականապէս խզուին կամ պատուիրակները կրկին զուարուին Լօզան կամ այլուր, ստորագրելու համար դաշնագիրը:

Ֆրանսական մամուլը եւ հանրային կարծիքը մեծ հիասթափուած մը ունեցաւ թուրքերու ընած ընթացքին վրայ: Մանաւանդ Թրքասէր շրջանակները կը կարծէին թէ թուրքերը երախտագիտութեամբ պիտի փոխադարձէին Ֆրանսայի իրենց հանդէպ ցոյց տուած բարեկամութիւնը, նոյնիսկ երբեմն ի վնաս անգլիոյ ֆրանսական բարեւոյ յարաբերութեանց, եւ զոհացում պիտի տան այն խնդիրներուն մէջ, որոնք մօտէն կը շօշափէին Ֆրանսայի շահերը: Սակայն թուրքերը տեղի տալով անգլ. պատուիրակութեան ամուր կեցուածքին առջեւ, ոչ միայն ընդունեցին Անգլիոյ բոլոր տեսակէտները իրեն վերաբերեալ խնդիրներուն մէջ, այլ վերջին պահուն իսմէթ բաշա Լօրտ Բրզընի առաջարկեց առանձին հաշտութիւն, ջանալով Ֆրանսան եւ իտալիան չէզոքացնել, որպէսզի ասոնց պարտադրէ աւելի ծանր պայմաններ:

Մէկզի թողով կիսապաշտօնական թերթերը, «Էքսէր»-ի, «Տէպա»-ի, «Էքս Նասիօնալ»-ի նման անկախ թերթեր շատ խիստ լեզուով խարանցին թուրքերուն վարժունքը եւ ֆրնս. կառավարութեան արեւելեան քաղաքականութիւնը, որակելով զայն նուաստացուցիչ Ֆրանսայի փառքին համար:

Մասնաւորապէս ուշագրաւ էր «Էքսէր»-ի 6 փետր. խմբագրականը, ուր Մ. Էմիլ Պիւրէ ըսելէ ետք թէ այլեւս թուրքիոյ ֆրանսացիներուն համար երկրէն մեկնելէն ուրիշ ճար չկայ եւ թէ առիկա Ֆրանսայի դարաւոր ազդեցութեան քայքայումէն է ու դիւանագիտական աննախընթաց պարտութիւն մը, կը շարունակէ հետեւեալ կերպով.

«Դաշնակից պատուիրակները Լօզանի մէջ եղան թէ՛ ծաղրելի եւ թէ ատելի: Ամօթ, հազար ամօթ: Քաղաքակիրթ ազգերու այս ներկայացուցիչները, այս հպարտ ուսմանարարները, այս մարդու եւ քաղաքացիի իրաւունքներուն պաշտպանները ոչ միայն զոհեցին հայերը, որ վստահած էին եւ ծառայած անոնց, այլ ընդունեցին բնակչութեանց փոխանակութիւնը թուրքիոյ եւ Յունաստանի միջեւ: Աստուած, ինչպիսի՞ ժամանակի մէջ կ'ապրինք...»

Մ. Էմիլ Պիւրէի այս խօսքերուն երբեք չի համապատասխաներ հետեւեալ լատարարութիւնը, զոր ըրաւ Լօրտ Բրզըն Լօզանէն վերադարձին.

«Լոնտոն վերադարձիս անմիջապէս գացի տեսնելու ընկերներս եւ ըսի թէ իմ կարծիքով Լօզանի խորհրդածոյցը յաջողեցաւ եւ թէ ես պարտուած չեմ վերադարձած, այլ յաղթութեամբ եւ թէ այն դաշնագիրը, որ պատրաստուեցաւ, պատուած չէ, այլ պիտի ստորագրուի: Այս արդիւնքին հասնելու համար գործածուած միջոցները կարելի չէ համարել անձնատուութիւն մը մեր կողմէն: Մենք հաստատականութեամբ խառն զինուորութեան ոգի մը ցոյց տուինք ստանալու համար այն պայմանները, որոնք ըլլալով պատուաբեր թուրքերուն համար, անպատուաբեր չէին դաշնակիցներուն համար:»

Այն պահուն, որ իսմէթ բաշա կը մեկնէր Լօզանէն, Էնկիւրիի կառավարութիւնը Դաշնակիցներուն ազդարարեց որ Իզմիրի առջեւ գտնուող եւ 1600 թնոյէ աւելի տարողութիւն ունեցող մարտանաւերը ետ քաշեն, հակառակ պարագային թուրք իշխանութիւնները պիտի դիմեն բռնի միջոցներով:

Ֆրանս. եւ անգլիական կառավարութիւնները պատասխանեցին թէ Էնկիւրիի այս պահանջումը հակառակ է Մուստոսի զինադադարին, եւ թէ մարտանաւերուն հրահանգ տրուած է ինքզինքնին պաշտպանելու, եթէ յարձակումի ենթարկուին:

ՀԱՅ ՊԱՏՈՒԻՐԱԿՈՒԹԵԱՆՑ ՎԵՐԱԴԱՐՁԸ

Հայ Պատուիրակութիւնները շարժուա մէջ Լօզանէն վերադարձան քաղաք: Ազգ. Պատուիրակութեան նախագահ Գ. Գ. Նորատունկեան, որ վերջին շարաթներուն հիւանդացած էր, ալժմ բաւական ապաքինած է:

ԿԸ ՀԵՐՔԵՆ ԹԷ ԿԸ ՀԱՍՏԱՏԵՆ

Սարտարադատի դաշտին ոտողումը
Հաճախանց վրդովման է Հ. Հ. Նախկին
պատուիրականության քաղաքական օր-
կան «Հայաստանի Չայն»-ը, որ անգոր
հերքելու անոր տալիք անսահման
օգուտները՝ սողկալ Հայաստանի տնտ-
եսական բարձրացումին անսակե-
տով, անգոր՝ մաքառելու դադարաբեր
դէմ ու արդիւնէն նորակազմ հանրա-
պետութեան անտեսական բարեկար-
գութիւնը, հայտնաբերելու կը թափէ
զաշտակցական վաղեմի սովորութեան
մը, որով երբ գաղափարին դէմ չեն
կրնար մաքառել, հեղինակին դէմ կը
կուտին, գաղափարը նուազանցանելու
ու խաբանելու համար:

Այսպէս «Հայաստանի Չայն»-ը իր
27 յօդով թիւին մէջ չըսեք որ Սար-
տարադատի դաշտը գոյութիւն չունի
չըսեք թէ գալիս ոտողութեան համար
չկայ Հայաստանի մէջ և թէ անոր
ոտողութիւնը անօգուտ և անսակար
է երկրին ու հայ ժողովուրդին, որովհե-
տեւ չի կրնար դալն ըսել, և չկրնալով
իր խմբագրութեան ալ արմատացնալ
կերքն ու թշնամութիւնը սանձահարել
ընդդէմ խորհրդային Հայ Հանրապե-
տութեան, ինքզինք անձնատուր կ'ընէ
փողոցային խօսքերու, և անձարակ
հաշիւներու մէջ մտնելով, Հայքեր կը
թափէ այդ երկրաշէն զորքը խանդա-
րելու:

Մենք ասիկա պատենութիւն մը
կը սեպենք բերելու անոր իսկ տուած
հաշիւները բաղդատելու: Այսպէս թէ 20
յօդով թիւին մէջ մեր ներկայացուցած
ծրագրին հետ, որոնք ոչ միայն գալիս
չեն հանդերձ, այլ ընդհակառակը,
փառաբանողն ալ կը հաստատեն, և և
ապացոյց մը եւս կ'ընծայեն անոր եր-
կար և բաղձալուծմանի ռաւմանախի-
ռած, իրական և Հափառար աշխատու-
թիւն մը ըլլալուն:

Նախ խօսքը տանք «Հայաստանի
Չայն»-ի:

Ուրեմն այս հիշուով ըստ Պ. Կարկանի,
սեւեկ հեքիար հողը պիտի կերակրէ տարեկան
երեք մարդ: Ո՛ր երկրի մէջ մէկ հեքիար հի-
դը կ'ապրեցնէ երեք մարդ: Յաջող տարին մէկ
հեքիարը կ'ապրէ Երեւն 1800 քիւս ցորեն,
որով կ'արկի Է՛ւ անդին իսկ տարեկան երեք
մարդ, այնինքն աստիճանով ոչ միայն ուտելի-
քը, սերնացուն, հագուստը, բնակարանը և
միւս պէտքերը:

Յետոյ ի՞նչ հիշուով 60 հազար հեքիարը
կ'արդէ տարեկան 60 միլիոն ֆրանկ եկամուտ
բերել: Եթէ ամբողջ հողը ցորեն ցանել և ին
տասը բերք լինի, կ'ապրեցնի վեց միլիոն փոքի,
որը 1914 թ-ի գնեթով կ'արժենայ մոտաւորապէս
վեց միլիոն ռուբլի կամ 15 միլիոն ֆրանկ: Եթէ
ամբողջ 60 հազար հեքիարը ցանի բամբակ,
հեքիարին 20 փոքի հիշուով կ'ապրեցնի տարե-
կան մէկ միլիոն երկու հարիւր հազար փոքի,
որ 1914 թ-ի գնեթով, փոքիք 6 ռուբլի հիշուով
7 միլիոն ռուբլի կամ մոտ քսան միլիոն ֆր.
Ո՛րտեղէն գնահատեալ 60 միլիոն ֆրանկը:

Համաձայն ենք Պարբերու ընթաց-
քին հաշուելու և Հայոցած դաշտերը,
երբ Հայքը կ'ոյժէ ու հերկուին, հեքիար
զուլալ պէտք է առնուազն 1600 քիւս
ցորեն բերեն, որուն 160 քիւս սերմն-
ցութի հանելով, 1440 քիւս կը մնայ երկ-
րագործին:

Պէտք չէ մոռնալ նաև որ աշխարհի
սթաթիսթիքները կը վկայեն որ մարդ
զուլալ տարեկան 220 քիւս հացահա-
տիկ կը սպառի: Ուրեմն երեք մարդու
համար 660 քիւս ցորենը լիութի բա-
ւելով 780 քիւս ալ կ'աւելնայ, որիւ
5 մարդ կ'երակրելու համար:

60 հազար հեքիարը, սերմնցուն
ալ մէջէն հանելով 1440 քիւս չէ 86
հազար թօնս դուր հասոյթ կուտայ,
220 քիւս չէ 390 հազար մարդ կը կե-
րակրէ, Հայաստանի ցորենի ամբողջ
պակասը կը գոցէ: Բայց մենք 180 հա-
զար մարդու բամբակ ենք գայն, դի-
զացիւն բնակարանին, ապրիւն, կոկե-
րուն ու ուլաքներուն ալ տեղ ձգելով,

որ անոնց եկամտով իր զանական
պէտքերն ալ հոգայ:

Գալով բամբակի մշակութեան,
ըստ «Հայաստանի Չայն»-ի, եթէ այդ
դաշտը ամբողջ բամբակ ցանուի, և և
նախքան պատերազմի դիմելը հիմք
բռնուին, պիտի տայ 7,200,000 ռուբլի
կամ 20 միլիոն ֆրանկ:

Պատերազմէն առաջ անկ րուբ-
լին, որ ոսկի ռուբլի կը կոչուի, այսօր
կ'արժէ 8 ֆրանկ, և 7,200,000 ռուբլի-
ն կ'ընէ 57 միլիոն 600 հազար ֆր.
իսկ նախ քան պատերազմի 20 միլիոն
ֆրանկը կ'ընէ այսօր 64 միլիոն ֆր.:
մենք ալ ըսեք չինք 60 միլիոն ֆր.:

Ո՛ր է տարբերութիւնը:
Շարունակենք: Մեր քննադատները
կ'ըսեն թէ «մէկ հեքիարը 20 փոքի
բամբակ կուտայ, եթէ 60 հազարը
ամբողջ ցանուի, հեքիարին 20 փոքի
հաշուով կը ստացուի տարեկան 1200000
փոքի» (մոտաւորապէս 20 միլիոն
ֆր.):

Կ'ընդունինք: Այսօր մէկ փոքի
կ'արժէ 180 ֆր. ուրեմն 1,200,000 փոքի-
ն կ'ընէ 216 միլիոն ֆր., 5 անգամ
60 միլիոն և անկին ալ:

Ուրեմն ինչո՞ւ համար ալ այդ հայ-
հայութիւնները:

Հայաստանի մէջ բամբակի մշա-
կութիւնը 45 հազար հեքիարի բարձ-
րացած և տարեկան 10 միլիոն ֆր.
հասոյթի հասած էր: Ասոր կը վկայէ
նոյնինքն Հ. Հ. Նախկին պատուիրա-
կութեան հրատարակութեան ալ: Եթէ
զաշտակցական վարիչները գիւղացիին
ձեռքէն բամբակը զրաւեցին, ու բամ-
պակագործութիւնը երկրին մէջ փնա-
ցուցին, ասոր պատասխանատուն
կ'արկեանք չէ, «Հ. Հայն»-ի խմբագր-
ութիւնը թող իր ծոցին մէջ փնտը
յանցաւորները:

Չարական կառավարութիւնը Սար-
տարադատը շահագործելու արտօնու-
թիւն տուաւ ընկերութեան մը, որ այդ
նպատակաւ ռաւմանախիւց ոտողումը
և անոր կից մաս մը աշխատանքներ
որոնց ծախսը մէկ միլիոն ռուբլի
ենայ: Մեզի համար չորքը բերելը
միայն պէտք է, մնացածը հայ ժողո-
վուրդը իր նախաձեռնութեամբ ու իր
աշխատանքով կը շինէ:

Սուրճ, բրինձ և այլ գործիքներու
ստուծիւնը չէ որ անհնարին պիտի ընէ
այդ դաշտին ոտողումը, բայց որդէսգի
կէտ մը մօթ չ'ընողներ, աս ալ ու-
սումնասիրութեան նիւթ ընենք:

Երկաթն ու պողպատը սղած են
այն երկիրներուն մէջ, ուր դրամին
արժէքը արդէն սուղ է, իսկ ուրիշ
երկիրներ ու արժէքէ իրենց դրամնե-
րով կ'արտադրեն դանդաղ, անհամե-
մատ ածան կուգայ իրենց քան նախ
քան պատերազմի գնեթը: Ընդ ալ այս
պատճառով ալ Գերմանիա երկու սակ
զրամ է իր արտադրած ապրանքնե-
րուն, դրամին սակը բարձր եղած եր-
կիրներուն համար անոնց սակովը կը
ծախէ, իսկ ներքին սպառումին համար
մարքով կը ծախէ գանձը: Ռուսական
երկիրներու համար ներքին սպառման
սակը կ'ընդունի որ նախորդ դիմելին
շատ պակասի կուգայ, կրնանք մենք
ալ այդ հանգամանքէն օգտուիլ ու
գանձը ածան գնել:

Իսկ աշխատութեան վարձքը ընդ-
հակառակը 5 անգամ նուազած է, ոչ
թէ բարձրացած: Հայաստանի գործա-
ւորը այսօր Պարսի կ'երթայ ամսական
8—10 ողջ ռուբլիով կ'աշխատի, մինչ-
դեռ պատերազմէն առաջ 25 ռուբլիով
գործաւոր չէր գտնուել:

Ուստի եթէ էնթէնթոր Չաւախչիւնի
ծրագիրը միայն ոտողման գործը մէկ
միլիոն ոսկի ռուբլի գնահատած ըլլար,
այսօր զայն կ'ուս միլիոնով կ'արկի
պիտի ըլլար զուլալ հանել, որ կ'ընէ
զարձակ 4 միլիոն ֆրանկ:

Սարտարադատը, ըստ Հ. Հ. պատ-

ուիրականութեան տեղեկատուութեան,
6000 տեսիւթիւն է, որ կ'ընէ 50140
հէքիար, ըստ սովորեթ տեղեկութեանց
55000 տեսիւթիւն է (8087 հէքիար):
Այս տարբերութիւնը կուգայ սահման-
ները ուրիշ ուր գնահատելէն: Դիցուք
թէ 50 հազար հէքիար եղած ըլլար և
8 միլիոնով ալ չ'ընուելու ըլլար, աս-
րեկան աւելի քան 50 միլիոն ֆրանկ
համ 60 հազար թօնս ցորենի եկամուտ
մը ստեղծելը, 200 հազար ժողովուրդ
մարայեկանութենէ ազատելու ու իրենց
աշխատանքով ապրելու հնարաւորու-
թիւն տալը, չէ՞ր այժմեր այս դժոյժու-
թիւնը:

Արդ հիմա, «Հայապոլ»-ը, «Եթե-
ւածիւն»-ը, «Սողկալ»-ը մենք ենք թէ
«Հայաստանի Չայն»-ի խմբագրութիւնը
իր կազմով:

Դեռ երես ալ ունին խօսելու և մեզ
հրամայելու, որ ատանկ գործերու
չ'առնուինք:

Ինչո՞ւ զաշտակցական կառավարու-
թեան օրով բարեգործութեամբ բանակ
կը կազմուէր և այսօր դաշտեր ու հո-
ղեր չ'են չ'որի, մանաւանդ որ բարե-
գործութեամբ չ'ուր հանել, չ'ուր բերել,
աղբիւրներ չ'ենել մեր սովորութեանց
մէջ արմատացած է:

Թողունք որ անոնք խօսին, մենք
շարունակենք մեր գործը:

Ասկէ կէտ դուր անալ եղբայրս
աղքատութեան ու թշուառութեան
մէջ կը լողար, անոր անսահման դաշ-
տերը կը մնային ծառաւ ու անապատ,
անոր պատմական նեղուցը կը ճեղքէր
երկրը ու ծովը կը թափէր անօգուտ
ու աղարկելու:

Հայ աղքատ տուաւ Նուարը փաշա
մը այդ բախտաւոր երկրին, որ չ'ուր
բաժնեց հողէն, որով անապատները
վերածուցան բարեբեքի դաշտերու և
եղբայրս դրամներ:

Պիտի չ'ընէ՞ արդեօք Նուարը մըն
ալ, որ զուլա անցնի Հայաստանի դաշ-
տերը ջրելու, և Աստուածաշունչին
վկայած դրամսը վերանորոգելու, հա-
յուն հայրենիքը ծաղկեցնելու և այս
աղքատ վերականգնելու:

Ե. ԿԱՐԿԱՆ

ԸՇՏՈՒՄ ՄԸ

Ա. Ապագայի նախորդ թիւով հը-
րատարակուած «Վերաշինութիւն» յոդ-
ուածին մէջ (առաջին երես, երրորդ
սիւնակ, տող 59), 150 հազար թօնս
գրուած է, պէտք է կարգալ 50 հազար
թօնս:

Բ. Նոյն էջ, հրդ սիւնակ, տող 59,
(իսկ Հայաստանի 4) պէտք է կարգալ
(հսկելու):

Ծ. Խ. — Ծատ կը ցանինք, որ «Հա-
յաստանի Չայն»-ի անտեղի և սղեղ
մէկ յօդուածը պատճառ տուաւ Պ. Կա-
րկանի վերի պատասխանին: Մեր
ներկայ կացութեան մէջ պէտք ունինք
վերաբանութիւններէ աւելի դրական
զորքերու, ինչպէս կ'առաջարկէ Պ.
Կարկանի իր վերջին յօդուածներով:

Այս առթիւ «Հայաստանի Չայն»-ին
կուգինք դիտել տալ թէ Պ. Կարկանի
մեր աշխատակիցն է և ոչ թէ խմբա-
գիրը: «Ապագայ» ներկայ տարեշա-
նին սկիզբէն կը հրատարակուի Ռաժկ.
Ազատ. կուսակցութեան Արեւմտեան
Եւրոպայի Շրջանային Վարչութեան
բարոյական պատասխանատուութեան
տակ և մնայուն խմբագրութեամբ
Յովհ. Պողոսեանի:

Հ. Բ. Ը. ՄԻՈՒԹԻՆ

Պ. ՎԱՀԱՆ ՄԱԼԷՋԵԱՆ
Ծաւելով կը տեղեկանանք թէ
մեր յարգելի ընկեր Պ. Վ. Մալեճեան
հրաժարած է Հ. Բ. Ը. Միութեան
ընդհ. բարոյագրի պաշտօնէն, զոր
սկիզբէն ի վեր այնքան արդիւնաւոր
կերպով վարեց, ըլլալով բարեգոր-
ծականին համար կարեւոր ուժ մը
և անոր կազմակերպութեան ու լա-
ւաջդիմութեան մէջ մեծ դեր մը

կատարեց, ցոյց տալով թէ՛ հայ
ազգն ալ կարող է հաւաքական զոր-
ծերու մէջ յաջողիլ, եթէ անոնք
յանձնուին դրական ըմբռնումներով
կարող և զործունեալ անձերու ձեռ-
քը:

Պ. Մալեճեան իր հրաժարականին
պատճառը իր սովորական անկեղ-
ծութեամբ լայտնած է Պ. Պողոս
Նուարի ուղղուած նամակի մը մէջ,
ուր կ'ըսէ թէ այսուհետեւ պիտի
նուիրուի իր ընտանիքին ապագան
ապահովելուն:

Պ. Պողոս Նուար Պ. Մալեճեանի
հրաժարականը ընդունած է ի մէջ
այլոց հետեւեալ գեղեցիկ տողերով.
«Եւ ես երջանիկ եմ այս անթիւ իմ
անձնական և ամբողջ ընկերներուս
երախտագիտական արտայայտու-
թիւնը ձեզ հաղորդելու ան թան-
կալին ծառայութեանց համար, որ
15 տարիներէ յվեր այնքան անձ-
նուիրութեամբ ու հայրենասիրու-
թեամբ մատուցիք մեր գործին, և և
որոնք ձեզ ամենամեծ փառքը ապա-
հովցուցին»:

ԳԱՂԹԱԿԱՆՆԵՐՈՒ

ՕՊԵՐԱԹԵԱՆ ԳՈՐԾԸ

Հ. Բ. Ը. Միութիւնը որոշած է
իր մետուէն 1000 անգլ. օսկի
զուլար մը եւս լատկացնել գաղթա-
կաններու օգնութեան գործին, ինչ
պէս նաև լատկիկալ գանձուելիք
զուլարներէն վար դրուելու պայմա-
նով նոյնքան զուլար մը եւս փոխ
տալ հանգանակիչ Յանձնախումբին
(Բարիկ):

Միւս կողմէ կեղր. ժողովը որո-
շած է հանգանակուած դրամները
ոչ թէ իրր հացազին ևն, բաշխել
կարօտեալներուն, այլ ատենք յատ-
կացնել օգտակար ձեռնարկներու,
ինչպէս՝ գաղթատուն, զարմանա-
տուն, թէյատուն, ձրի ապուր ևն:
Նպատի գործը զլիաւորապէս Յու-
նաստանի և Պուկարիոյ հայ գաղ-
թավայրերուն մէջ այս ուղղութեամբ
կազմակերպելու համար իրր պատ-
ուիրակ հոն դրուած է Պ. Միքայել
Նաթանեան, իր տրամադրու-
թեան տակ դրուելով վերոյիշեալ
2000 անգլ. օսկին:

Պ. Արայ Մարեան հեռագրով 40
հազար տրախմի տրամադրած է
Սելանիկի մէջ հաստատուելիք մի-
ութեան ձեռնարկներուն համար:

Սկիզբէն ի վեր հանգանակուած
զուլարները հետեւեալներն են.

Բարիկի Հ. Կ. Ռաչի միջոցաւ 46100
Հ. Բ. Ը. Մ. Ատիս Ապապալի
մամանճիւղին միջոցաւ 55000
Անվերս-Պրիւքսէլի մաման-
ճիւղին միջոցաւ 50000
Ժընէվի մ.ճիւղի միջոցաւ 2849,95
Համագումար ֆր. 111949,95
մէջը չ'ըլլալով միութեան կողմէ
տրամադրուած զուլարները:

Իսկ մինչեւ այսօր յօդուած գաղ-
թականներուն հետեւեալ նպատեն-
րը դրուած են՝ Բարիկի հանգանա-
կիչ Յանձնախումբին կարգադրու-
թեամբ.

Համագումար 99807,95

ՕԳՆՈՒԹԻՒՆ

ՊՈՒԼԻԱՄԻՈՅ ԳԱՂԹԱԿԱՆՆԵՐՈՒՆ
 Հ. Բ. Ը. Միութիւնը նախապէս
 13 հազար ֆրանք զրկած էր Պուլ-
 կարիոյ զաղթականներուն համար
 երկրորդ անգամ ըլլալով 500 անգ-
 ոսկի եւս զրկած է Կ. Պոլսոյ Հ. Բ.
 Ը. Մ. մասնաճիւղին միջոցով: Այս
 դրամը մասամբ յանձնուած է նոյն
 միջոցին Պոլիս գտնուող Թրակիոյ
 առաջնորդ Տ. Սրուանդ եպս. ի, իսկ
 մաս մըն ալ (400 օսմ. ոսկի), յանձ-
 նուած է Էմանէլթէի իշխանի Միւս-
 Թարեան անուն մէկու մը, որ
 դժբախտաբար այս դրամը չէ հա-
 ցուցած իւր տեղը: Յիշալը աղգ-
 իշխանութեանց հետապնդութեամբ
 ձերբակալուած է Պուլկարի մէջ եւ
 իր վրայէն կարելի եղած է գտնել
 միայն 8 հազար տրիսմի գումար մը:

Տ. Երուանդ եպս. որ վերջերս
 Պուլկարիա կը գտնուէր, Թրակիա-
 յէն փոխադրուած մօտ վեց միլիօն
 լէվա արժէքով եկեղեցական գոյքերը
 մաքսատունէն ազատելու համար,
 յաջողած է այս գոյքերը հանել ա-
 ռանց մաքսատուէրք վճարելու:

Տ. Երուանդ եպս. մեկնած է զէպի
 Սելանիկ:

Հ. Բ. Ը. Միութեան կողմէ
 Պուլկարիա զրկուած գումարէն Յի-
 լիպէի միջոցով ծախսուած է 40
 հազար լէվա, որուն 20 հազարը
 Թաթար փաղարճը, 10 հազարը
 Սիլվէն և 10 հազարը Նոր Զակօրա
 զրկուած է:

ՕԳՆՈՒԹԻՒՆ ՀԱՅԱՍՏԱՆԻ

Հ. Բ. Ը. Միութիւնը անցած 1922
 տարուան ընթացքին Հայաստան
 զրկած է 2 հազար անգլիական ոսկի
 արժէքով զեղ, հազուադէպ եւ զը-
 րամ:

Կը տեղեկանանք թէ Միութիւնը
 կը խորհի այս տարի ալ իր օգնու-
 թիւնը տրամադրել Հայաստանի կա-
 րօտութեանց համար:

Վերջերս Մանչէսթրի Գաղթ.
 Հանդերձեղէնի Զանձակութեամբ, իր
 կազմալուծման առթիւ Հ. Բ. Ը. Մ.
 կեդր. ժողովին զրկած էր 1150 անգլ.
 ոսկի մնացորդը, հանդերձեղէնի եւ
 զեղօրայքի գործածուելու համար.
 Յիշեալ ժողովը օգտուելով այս
 բարեպաշտ կարգադրութեան, որո-
 չած է կէսով, այսինքն 28357.25
 ֆրանքով զնել քրիստի և մարմարան
 ու զրկել Հայաստան, ձեռամբ իր
 անդամներէն Պ. Միք. Պապանեա-
 նի, անձնակազմ գործով մը Ռուսիա
 մեկնելուն առթիւ:

ՀԻՒԱՆԳԱՊԱՀՈՒԼԻՆԵՐ

ՈՐԲԱՆՈՅՆԵՐՈՒ ՀԱՄԱՐ

Հ. Բ. Ը. Միութիւնը Երուանդի
 «Արարատեան» որոնողին համար
 Զուրիքերայէն զրկած է Օր. Ալիս
 Կիլիէ անուն հիւանդապահուհի մը
 որ ընդունած է բարեգործական
 հաստատութեան մէջ ծառայել զը-
 թէ չնչին վճարովով մը: Հ. Բ. Ը.
 Միութիւնը իր Պէլլուքի որոնող-
 ներուն համար ալ Զուրիքերայէն կը
 զրկէ երկու հիւանդապահուհիներ:
 ՍԵԼԱՆԻԿ ԳՏՆՈՒՈՂ

ՀԱՅ ՈՒՍՈՒՅԻՋՆԵՐԸ

Սելանիկ ապաստանած 25 հայ
 ուսուցիչներու կողմէ զիմու եղած
 էր Հ. Բ. Ը. Միութեան, որպէսզի
 իրենց և իրենց բնտանիքներուն օգ-
 նութիւն մը ըլլայ Միութեան կողմէ
 ալս նպատակով զրկուած է 7 հազար
 տրախիս:

Գիտելի է միայն թէ երբ նոյնիսկ
 Յունաստան փոխադրուած որբա-
 նոցներու մէջ այնքան զգալի է փորձ
 ուսուցիչներու պակասը, Սելանիկ
 ապաստանած հայ ուսուցիչները կը
 մնան անզոր իւր կարօտ:

ԼՈՒՐԵՐ ՀԱՅԱՍՏԱՆԵՆ

ԻՆՉ Կ'ԸՄԷ Պ. ՄԱԿԻՆԵԱՆ

Խ. Հայաստանի լուսաւորութեան
 նախկին քաջերը Պ. Մակինեան, որ
 այժմ Կ. Պոլսի կը գտնուի իրենց կող-
 կառեան հանրապետութեանց ներկա-
 լացուցիչ թիւք. կառավարութեան մօտ,
 հետեւելու յայտարարութիւնները ըրած
 է օժտող. Զայնը ի, բացատրելով իր ա-
 ռաքելութեան նպատակը.

«Հայաստան, ինչպէս նաև կող-
 կասի միւս մասերը, ուր կ'ապրել
 զրեթէ Հայաստանի հայութեան չափ
 հայութիւն մը ներկայիս մէջ, ունի
 հաց և խաղաղութիւն:

«Այն բոլոր հարցերը որոնք ար-
 տագաղթի խուճապ լառաջ բերած
 են Կ. Պոլսոյ մէջ, հետեւ են հայ
 ժողովուրդին հետ ուղղակի կապ
 ունենալէ, հետեւաբար հայերուն
 համար այս տեսակ արտագաղթ մը
 քաջաբերէլ առաջ, կը ներկայանար
 զրեթէ ինչ ուսումնասիրելու և զաղ-
 թին առաջը առնելու պատենու-
 թիւնը: Մանաւանդ որ կողկասեան
 խորհուրդներու միութեան և Թուր-
 քիոյ միջեւ գոյութիւն ունեցող բա-
 րեկամութիւնը ինքնին երաշխիք
 մըն էր այդ տեսակ փորձի մը յաջո-
 ղութեանը»

Պատասխանելով այն հարցման
 թէ ի՞նչ է կողկասի քաղաքական
 յարաբերութիւնները Ռուսաստանի
 հետ, Պ. Մակինեան ըսած է.

«Կողկասեան ինքնավարութիւն-
 ներէն բաղկացած կողկասեան խոր-
 հուրդներու միութիւնը իր կարգին
 ինքնավարութեան ամենալայն իրա-
 տենքներով, մասը կը կազմէ Ռու-
 սաստանի խորհուրդներու միութե-
 թեան: Այսպէսով Ռուսաստան կը
 բաղկանայ այսօր զանազան ինքնա-
 վար երկրներէ, ինչպէս Կովկաս,
 Ռեքանիա, Ռուսաստան ևն:

«Հայաստան իր ընդունած զաղ-
 Թականները ապրեցնելու չափ հող
 ունի. միայն անոր ջուրն է որ կը
 պակտի: Ներկայիս Հայաստանի կա-
 ռավարութեան ջանքն է ծով թափ-
 ւող ջուրերը հողերու վրայ հանել և
 զանոնք օռոգելով բարձր մշակութի,
 այսինքն բամպակամշակութեան եւ
 այլեւնախկին յատկացնել»

Այն հարցման թէ ի՞նչ բանի
 պէտք ունի Հայաստան, Պ. Մակինե-
 ան պատասխանած է.

«Հայաստան խաղաղութեան պէտք
 ունի»

«Առատութի խմբադիր Պր. Աշոտ
 Քէլեան եւս, որ տեսակցութիւն մը
 ունեցած է Պ. Մակինեանի հետ, կը
 զրէ հետեւեալը.

«Հայաստանի կառավարական զե-
 կավարներուն եռանդն ու կորոզը
 որչափ ալ կոտորակուի բազմազան
 աշխատութեանց մէջ, ընդհանուր
 ներդաշնակութեանէն բան մը չպա-
 սիւր սակայն: Հայաստանի մէջ իրա-
 պէս օտեղծագործ աշխատանք մը
 զուլս հանուած է, և բոլորակաւ
 մտատիպար կառավարութեան մը
 հաղիւ լաջողելիք գործը՝ այնքան
 կարճ միջոցի մէջ և այնքան ան-
 սահման, համատարած կարօտու-
 թեանց, փճացումներու և աւելներու
 դիմաց:

Անոնք կը սկսին զործի և հսկա-
 յական աշխատութիւն մըն է որ
 զուլս կը հանուի և անդու անդա-
 դար տքնելով, ժողովուրդին բարօ-
 րութեան կը նուիրեն իրենց բովան-
 զակ ուշադրութիւնը:

Հունձքը բաւարար, զաղթական
 ժողովուրդը ամբողջովին տեղաւոր-

ուած, զիւղացին կրկին իր արօրին
 փարած, առեւտուրը սկսած, զոր-
 ծարանները վերանորոգուած, Նոր
 զործարաններ հիմնուած, տնտեսա-
 կան աշխոյժ վերադարձուած մը
 ոգևորութիւնը պատած է բոլոր
 շուկաները, չքաւոր ընտանիքներու
 զաւակներուն դաստիարակութիւնը
 կառավարութիւնը ինք ստանձնած
 է, զեղարուեստական կեանքը կրկին
 սկսած է ծաղկիլ, բնական զոր-
 ծիչները, երաժիշտներ մտաւորա-
 կանները իր հովանաւորութեան տակ
 առած է կառավարութիւնը, պետա-
 կան թոշակ յատկացնելով է, մա-
 տենադարաններ, ընթերցարաններ,
 լուսաւորութիւն, Նոր խճիչներ,
 բարեգործութիւն, հանրային սպա-
 սարկութեանց մէջ քարեփողոցներ-
 ներ, սփոփիչ ու միութեամբ կա-
 ճակ մը վերջապէս՝ բաղգաւորման
 մօտաւոր դժբախտ անցեալին: Ահա-
 ւասիկ բոլոր այն ուրախ լուրերը,
 զորս կ'իմանանք Պ. Մակինեանի
 բերելէ:

Ի՞նչ է այսօրուան վարիչներուն
 անկեղծ նպատակը և քաղաքական
 ուղղութիւնը. բարի զրացումներ,
 փրաշահող, արմատաւոր, շիտակ ու
 անկասկածելի յարաբերութիւն ամե-
 նուն հետ:

Պ. Մակինեան կը թուէ նախորդ
 կառավարութեան սխալներուն ար-
 զիւնքը: Նախորդ կառավարութիւնը
 իր ընթացքով կորսնցուց Լօռին,
 ձեռքէ հանեց Զանգեզուրը, Կարսը,
 Աղեքսանդրապօլը, մէկ խօսքով
 Հայաստանի կէսը ձգեց միլի բա-
 նակին ձեռքը և Աղեքսանդր Ռա-
 տիսեան յանուն Հայաստանի կառա-
 վարութեան ստորագրեց զանազան
 մը, որով Թուրքիոյ կը թողուր
 Կարսը և Աղեքսանդրապօլը՝ այս
 բազմահայ և շէն աստանը իսկ Նոր
 վարիչները՝ իշխանութեան զուլս
 գալով, իրենց զիւրահամբով քաղա-
 քականութեամբ և իրենց անկեղծ
 նկարագրին ներշնչած վստահու-
 թեամբ՝ վերստացան Լօռին, Զանգե-
 զուրը, Աղեքսանդրապօլը:

Պ. Մակինեան կը պատահաւնէ
 մեղի, երբ կը յիշեցնէ իրեն՝ ոմանց
 միտք պղտորող այն սրտցաւ առար-
 կութիւնը թէ՛ այսօրուան պետական
 զեկավարները իրը թէ անտարբեր
 են իրենց արեւմտահայ եղբայրնե-
 րուն հանդէպ, մինչդեռ իրենց դա-
 ցիներուն հետ մշակած սիրալիւր
 յարաբերութեան շնորհիւ կրնային
 օգտակար ըլլալ Պր. Մակինեանի
 կտրուկ պատասխան մը ունի. «Ին-
 չէ՞ն զիտեն: Ինչէ՞ն զիտեն որ
 սօվիէթ Հայաստան իր եղբայրական
 պարտականութիւնը չի կատարել:
 Իր զիմուններուն և բարեխօսու-
 թեանց մասին տեղեկագիր պիտի
 տար երէկուան զեկավարներուն:
 Յետոյ, կը բացատրէ որ, աւելի քան
 քառորդ դար առաջ, երբ կողկասի
 մէջ կողկասահայ յեղափոխական
 խմբակ մը ինքզինքին աններելի
 յաւակնութիւնը տուաւ թրքահայ
 ճակատագրին հետ խաղալու, իրենք
 այսինքն այդ խմբակին ընդդիմա-
 դիրները՝ իշեցուցին նոյն պարոն-
 ներուն որ, թրքահայերը իրենց
 աղպիսի պաշտօն մը, իրաւասու-
 թիւն մը չեն տուած, տեղեկութիւն
 իսկ չունին այդ խմբակներէն, ի՞նչ
 իրաւունքով ուրեմն կ'երթան անոնց
 կամքին հակառակ՝ այնպիսի շար-
 ժումներ լառաջ բերելու, որոնք
 երկու ցեղերուն յարաբերութեանց
 վրայ պիտի ազդէ: Այն ատեն շատ
 քննադատեցինք այդ ինքնահաւան,

կարի անզգոյշ ու լաւատ խմբակին
 անպատասխանատու գործունէու-
 թիւնը, բայց ի գուր Պէպեքը լա-
 ջորեցին, հետեւեալը մէջտեղն է:
 Իրենց հասկցած եղանակով թրքա-
 հայոց ճակատագրին հետ խաղալին
 տեսանք թէ ի՞նչ արժեք կողկա-
 սահայ խմբակը բացաւ վրէժ և մե՞զ
 կը դատապարտեն որ չենք լեցներ
 Համարձակութիւն ալ ունին:

Ու երբ Պ. Մակինեան զուսպ
 թափով մը կը պախարակէ անցեալի
 բոլոր սխալները, ինծի կը թուի որ
 50—40 տարի առաջուան ժամանա-
 կակից հեռատես ու քաղաքագէտ
 սերունդն է որ կը խօսի իր բերնով,
 որուն զէմ արհամարհանք ու քմի-
 ծաղ միայն ունէին անոնք, որ
 հեռուոր հորիզոններէ՛ ազգին ճա-
 կատագրին հետ կը խաղային՝ բախ-
 տախաղի թուղթ մը ձեռքերին
 բռնածի պէս:

ՀԻՒՍՈՒՄԵՆԵՐԻ ԳՈՐԾԱՐԱՆ ՄԸ

Երկար տարիներէ իվեր զանազան
 նախաձեռնողներու կողմէ ջանքեր
 կ'ըլլային հիւսուածեղէնի գործարան
 մը հիմնելու կողկասի մէջ, ուրկէ
 Արարատեան զաշտի կէս միլիօն
 փութ բամպակը զուր ծախքերով
 Մոսկուա կ'երթար ու կը դառնար
 հիւսուելու և կողկասի ու Պարս-
 կաստանի պէտքերուն յատկացուե-
 լու համար, և սակայն ձարական
 կառավարութեան օրով զանազան
 նկատումներ, մեծ մասով քաղաքա-
 կան բնոյթով, արգելք եղած էին
 այս նախաձեռնութեան:

Ուրախ ենք յայտնելու որ խորհ.
 Ռուսաստանը ընդ առաջ դացած է
 Հայաստանի կառավարութեան դի-
 մուններուն և Հայաստան զրկած է
 հիւսուածեղէնի մեծ գործարանի մը
 ամբողջ պիտոյքը, որոնք 150 վա-
 կօնով հասած են արդէն Աղեքսան-
 դրապօլ, ուրտեղ պիտի հաստատուի
 այդ գործարանը: Այս նախաձեռնու-
 թիւնը կոչուած է ըլլալ կողկասի և
 մասնաւորապէս Հայաստանի համար
 նախախնամական բարիք մը, ըստ
 որում, ատով ոչ միայն բամպակի
 մշակութիւնը մեծ զարկ կը ստանայ
 Հայաստանի մէջ, ալ նաև ճարտա-
 րարուեստական այս հիմնարկութիւ-
 նը հարստութեան աղբիւր մը կը
 դառնայ երկրին համար:

ՀԱՅ ԳԱՂԹԱԿԱՆՆԵՐԸ

ՀԱՅԱՍՏԱՆԻ ԿՐԿԵԼՈՒ ՀԱՄԱՐ

Կ. Պոլսոյ Բաղաքական ժողովի
 անդամներ կարծիքի փոխանակու-
 թիւններ ունենալէ յետոյ ազգային
 կարեւոր հարցերու շուրջ, ուղած
 են տեղեկութիւն ստանալ Պ. Մա-
 կինեանէ թէ ինչպէ՞ս կարելի պիտի
 ըլլայ զարուհեցնաւոր զաղթականե-
 րէն մաս մը փոխադրել Հայաստան
 կամ Անդրկովկաս ուր մասնաւորա-
 պէս երկր գործ ժողովուրդը իրեն
 աշխատութեամբ պիտի ապրի: Պ.
 Մակինեան այս մասին հարկ եղած
 տեղեկութիւնները տուած է, ուրկէ
 զոհ մնացած է ժողովը, և որպէսզի
 կարելի ըլլայ ծրագիր մը պատրաս-
 տել և ներկայացնել, յանձնաժողով
 մը կազմած է իր անդամներէն,
 որոնք պիտի ուսումնասիրեն այս
 խնդիրը և պէտք եղած բանակցու-
 թիւնը կատարելով, արդիւնքը պիտի
 ներկայացնեն ժողովին: Շատ կարե-
 ւոր խնդիր մըն է այս, որու համար
 հնարաւոր աշակցութիւնը նուիրել
 խոստացած է Պ. Մակինեան: (Ժ. Զ.)

Ծ. խ.— Հայ զաղթականական
 հոսանքը զէպի Հայաստան ուղղելու
 համար թափուած այս ջանքերը ա-
 մէն կերպով զնահատելի են:

ԲԱՐԻՉԱԶԱՅ ԿԵԱՆՔ

ՀԱՅ ՀԱՄԱԿԱՐԱՄԱՆԱԿԱՆ ՄԻՈՒԹԻՒՆ

Բարիքի Հայ Համալսարանական Միութիւնը, որուն կազմութիւնը նախապէս ծանուցած էինք, իր ընդհանուր ժողովը դաւարեց անցած երեքշաբթի իրիկուն, Սօսիէի Սովանթի սրահին մէջ, և վաւերացնել հոգի ծրագիր կանոնադիրը ընտրել իր վարչութիւնը:

Այս միութիւնը նպատակ ունի բարոյական և մտաւարական գործունէութեան մը շուրջ համախմբել Բարիքի Հայ Համալսարն, երիտասարդութիւնը, անոնց մէջ վառ պահել ազգային մշակոյթը-և զանոնք կապել մայր հայրենիքին:

Արդարեւ այն պահուն, ուր Հայաստանի վերաշինութեան գործին շուրջ ազգային նուիրական պարտականութիւններ կան կատարելիք զարգացած եւ համալսարանական հայ երիտասարդ ուժերու համար, մեծապէս զնահատելի է որ Բարիքի մէջ զոյգութիւն կ'աճէ այս միութիւնը, որ արդիւնաւոր և տեսական գործունէութեան մը համար լաւագոյն երաշխիքներով:

Հ. Կ. ԽԱՉԻ ՀԱՆԳԱՆԱԿՈՒԹԻՒՆԸ Ինչպէս գրած էինք, Բարիքի Հայ Կարմիր խաչի հանգանակութիւնը կը շարունակուի և մօտ օրէն պիտի կրնանք հաղորդել չորրորդ ցանկ մըն ալ:

Այս առթիւ պարտք մըն է մեզի ըսել թէ այս հանգանակութեան աշդիւնաւորութեան մէջ իրենց գործունէ և թանկագին աշխցութիւնը բերած են նաև տիկիներն Ա. Համարձուսեան և Կ. Կեփրէկ:

«ԱՆԿՐԱՆԻԿ» ԴԵՐԱՍԱՆԱԿՈՒԹԻՒՆ ԵՆԻԿԱՅԱՅՈՒՄԸ

«Անդամիկ» զերասանախումբը իր Բ. ներկայացումը տուաւ անցեալ կիրակի, 4 փետր. իրիկունը, Էն. ժէնիէօր Սիվիլի սրահին մէջ: Տիկին Ա. Գնիւի անհանգստութեան պատճառով, խումբը ստիպուած էր փոփոխել ծանուցուած թատերախաղը, որուն փոխարէն սակայն ներկաները պատկերասրահ ունեցան մէկ տրամա «Ճանկեր», մէկ քովտի «Պատշաճ կարգեր» և մէկ քրքշալի կատակախաղ՝ «Ես մնայ» տեսնելու:

Մեր թերթին ծաւալը չի ներքեր զփրախտարար, որ ընդարձակօրէն խօսինք խումբին բեմակատարութեան մասին: Երբ խաղերն ալ յանպատրաստից ներկայացուած, խիստ ընական և յաջող անցան: Օր. Պերճուհի, «Պատշաճ կարգերու» մէջ Ջօնա Վասիլէֆլախի, Յարութիւնեան նոյն խաղին Կէորիկ, իսկ Պ. Անդրանիկ «Ես մնայ» ծառայի դերերուն մէջ ճշմարիտ լաղթանակներ տարին: Միւս զերակատարներն ալ հաւասարապէս լաւ էին: Գ. ներկայացումը կը տրուի մօտ օրէն:

ԿԱՐՍ ՀԻՒԱՆԴՆԵՐՈՒՆ

Բարիքի Հայ Կարմիր Խաչը ձրի բժշկական քննութիւններ ընել կուտայ իրեն զիմող բոլոր հիւանդներուն, շարքը երկու անգամ, երկուշաբթի և ուրբաթ ժամը 11ին և ձրի զիմող Կր խնդրուի ուրեմն որ հայ կարօտ հիւանդները զիմեն ուղղակի եկեղեցի և ոչ թէ բժիշկներուն անձնական տունները: Ծ.

Կը լուսանք թէ Հայ Կ. Խաչը նկատի կ'առնէ մինչեւ եկեղեցի երթալու անկարող հիւանդներուն բրժշկ. արագ դարման փութացնելու խնդիրը:

ՅԲԱՆԱԿԱՆ ՆԱԿԱՐԱՆ ՀԱՅ ԿԱՐՍԻՈՒՆԵՐՈՒ ՄԻՈՒԹԻՒՆ Կեդրոնական շքեղ երեկոյթ եւ մեծ պարահանդէս 17 փետր. 1925, Քլարիճ Օթէլի մէջ 74, Սիվիլի տէ Ծան գ'էլիգէ



Մարաշախա Յօշի բարձր հովանաւորութեամբ և զօրավար Բօ Նախագահութեամբ, ինչպէս նաև մեծանուն քրտասացիներ և ատիկաներու բարեհաճ օժանդակութեամբ, հայ նախկին կամաւորները 17 փետր. ժամը 8.30ին Քլարիճի պանդոկին սրահներուն մէջ շքեղ զեղարուեստական երեկոյթ-պարահանդէս մը կը տարբեն:

Հասոյթը պիտի յատկացուի մասամբ Իզմիրի և Փոքր Ասիոյ զաղթականներուն եմասամբ քրտաս, ճաշատի վրայ ինչպէս հայ կամաւորներուն ի յիշատակ արձան մը կանգնելու ծախքերուն:

Նախկին հայ կամաւորներու միութիւնը վստահ է որ բարեկամայ պատուական զաղութը, ինչպէս անցելոյն, այս անգամ ալ պիտի զիտնայ իր պարտականութիւնը կատարել, մեծ թիւով ներկայ գտնուելով սոյն երեկոյթ պարահանդէսին: Այսպէսով անցող պիտի տայ այն խոր համակրանքը, զոր միշտ տաճած է զէպի հայ կամաւորները, քաջաբերելով անոնց բոլոր ձեռնարկները:

Մեր ազգ. արժանապատուութիւնը և մեր Դատին շահը կը պահանջեն որ քաղաքակրթութեան այս ոտանին մէջ յիշատակարանով մը յաւերժացուի զհոգութիւնը մեր անձնուրաց կորիճներուն՝ որոնք իրենց կեանքը Յրանայի նուիրած ժամանակ հաստատ համոզուած էին որ Մայր Հայաստանի կը ծառայէին:

Հայ ժողովուրդին այս ազնիւ դաւաններուն յիշատակը անմահացնելու պարքը մեր վրայ կը ծանրանայ: Ուստի բարեկամայ երկուս հասարակութիւնը պէտք է թերանայ այս նուիրական պարտականութեան մէջ:

Յ. Ն. Հ. Կ. Միութեան Քօմիթէ

ԾԱՆՈԹ.— Կեդրոնական բաժինը մասնաւոր խնամքով պատրաստուած է Հայ և Քրտասացի նշանաւոր արուեստագէտներ անոր յաջողութիւնը լիապէս պիտի ապահովեն: Տոմերը կ'արժեն՝ աշիքու համար 50 ֆրանք, տիկիներու համար 25 ֆրանք: Տոմերու և ալ տեղեկութեանց համար զիմել Միութեան նախագահ Պ. Յ. Տարայեանի, 44 րիւ Լաֆայէթ (թէլ. Լուրը 45—55) և ընդհ. քարտուղար՝ Մէթր Մարմարեանի, 52, Ալ. տը Պրըթէյ, (Սէկիւր 40—55):

ԲԱՐԻՉԱԶԱՅ ՏՐԱՄԱԹԻԿ ԸՆԿԵՐՈՒԹԻՒՆ

Բ. ներկայացում Սօսիէի Սովանթի սրահին մէջ (28 rue Serpente) 15 փետր. հինգշաբթի զիշեր ժամը 8.45ին:

Ա. վարդանանցի տօնին առթիւ Պիտի ներկայացուի առաջին անգամ ԸԼԱՅՈՒԹ Բարիքի մէջ, յայտնի գրագէտներ Տիգրան Կամարականի և Մ. Կիրեանի:

Փ Ր Կ Ա Ն Ք Ը

Պոլսահայ կեանքէ տրամ 4 արար Ինչպէս նաև մեծանուն երգիծարան Յ. Պարոնեանի

ՄԵԾԱՊԱՏԻ ՄՈՒՐԱՅԿԱՆԵՐԸ

ձիծաղաշարժ դաւնա 2 արար Կը մասնակցին՝ տիկ. Ս. Նշանեան, օր. Հայկուշ, օր. Պիլպիլեան, Պ. Պ. Տ. Նշանեան, Վ. Սիմեան, Լ. Յարութիւնեան ևն. ևն:

Ecole Réale supérieure 3, Avenue Jean-Baptiste-Clément Boulogne sur Seine

Տնօրէնութիւնս յարգող հասարակութեան կը ծանուցանէ թէ սոյն դպրոցը, որ հաստատուած է երկարատեւներէ իվիք Պուա տը Պուլօնի ընդարձակ անտառին զիմացը, լիովին կ'ուսուցանէ նախնական և երկրորդական վարժարաններու ծրագիրները, ամենազիւրին մեթոտներով:

Գաղտնիքն սնունդի և առողջապահական պայմանները արդէն ծանօթ են հանրութեան:

Նկատի ունենալով որ վերջերս Բարիք հասած են բազմաթիւ հայ ընտանիքներ, Տնօրէնութիւնս պատիւ ունի յայտարարելու թէ պիտի ընդունուին հայ զիշերօթիկ աղաք նիւթական ամենազիւրսմաշելի պայմաններով:

Նկատի պիտի առնուի հայ աղոց թիւը, բանալու համար հայերէնի զատնթացք մը, հայ կարող ուսուցիչներով:

Տնօրէն՝ Զ. ՏԱՏԵԱՆ 5—8

ԸՆՏԱՆԵԿԱՆ ՀԻՒՐԱՆՊՑ Տիկին Վ. ՊԱՐՏԻՉՊԱՆԵԱՆԻ Pension de Famille 13, Boulevard Suchet, Paris 16.

Պուա տը Պուլօնի վրայ օդաւէտ, բոլոր արդիական հանգստութիւն, ընդհանուր ջեռուցում (շօֆած սանթրալ) պաղ և տաք ջուր, մաքրութիւն և կերակուրներու մասնաւոր խնամք, հաղորդակցութիւններու մեծ զիւրութիւն, բնտանական կեանք և չափաւոր գիներ:

Ծնողք կրնան իրենց 15 տարեկանէն վեր զաւակները յանձնել ամենայն վստահութեամբ:

Ս. Տ. Ս. Մ. Ն. Ա. Բ. Ո. Յ. Ժ ԱՐԱՄ ՀԱՆՁԵՐ

Պատիւ ունի ծանուցանել Փարիզի հայ հասարակութեան թէ հաստատուած է 191 rue du Temple; Poly-clinique du Temple, շատ մօտ place de la République: Metro République և Temple:

Téléphone: Archives 50—09

Ա. Ռ. Ա. Զ. Ի. Ն ՀԱՅ ԿՈՇԻԿԻ ՎԱՃԱՌԱՏՈՒՆ

Մ. ԲԱՄՊՈՒԲՃԵԱՆ ԵՒ ԸՆԿ. Պատիւ ունին ծանուցանել թէ՝ մեր բարեկամներուն և հայ զաղութին զիւրութիւն մը բնծայելու համար Բարիքի կեդրոնը՝

73, RUE TAITBOUT

մեր առաջին մասնաճիւղը բացած ենք, ուր պիտի գտնուին արանց և կանանց կօշիկի ճոխ մթերք մը ամենանոր և վերջին նորաձեւութիւններու, անմրցելի զինքերով:

Որեւէ գնում ընելէ առաջ, հաճեցէք այցելել մեզ, վստահ թէ զոհացում պիտի գտնէք:

Մ. ԲԱՄՊՈՒԲՃԵԱՆ ԵՒ ԸՆԿ. 10—50

ՀԱՅ ԿԱԿԱՆ ՃԱՇԱՐԱՆ Maison BAPTISTE 15, Rue Lamartine, 15 (Carrefour Châteaudun)

Արեւելեան համեղ կերակուրներ, անուշեղէններ և խմորեղէններ: Ընտանեկան և մաքուր սպասարկութիւն: Դիմեցէք և զոհ պիտի մնաք: 11—50

ՄԱՆՈՒԿ ԱԼԹՈՒՆԵԱՆ ՎԱՃԱՌԱՅԻՆ—ԴԵՐՉԱԿ Արանց և Կանանց համար 14, rue Marbeuf, Paris (8°)



Չուտ անդիական կերպանգէններու ճոխ տեսակներով և իր կար ու ձեւին կատարելագործութեամբ կը զոհացնէ ամենէ ներքաշակներն իսկ իր յաճախորդներուն մէջ կան բազմաթիւ հայ և օտար նշանաւոր զէմքեր, ինչպէս նաև զօր. Անդրանիկ:

NOTA — M^r Manoug est classé Hors-Concours Membre du Jury de l'AFAP, l'Académie Française de Coupe de Paris. 1^{re} Médaille d'or, 3 diplômes d'Honneurs et sollicite la visite de la clientèle élégante et s'informe de ses prix et du cachet de ses vêtements. 22—50 Téléphone — Elysees 01—05

ՀԱՅԵՐԷՆ ԳԻՐՔԵՐ

Ա. Զօրանեանի, Վ. Թէքէեանի, Կ. Բաւաշեանի, ինչպէս նաև Սիւսանթօր, Վարուճանի, Բաֆիլի և ալ ծանօթ հայ հեղինակներու գործերը ունենալու համար զիմել Սարգիս Պօղոսեանի (28 rue Serpente) որուն մօտ կը գտնուին նաև ամէն տեսակ դասագիրք, բառարան, տարեցոյցներ, նուէրի համար Մկրեան աղօթագիրքը ևն. ևն:

Կ'ընդունուին նաև ամէն տեսակ ապսպրանքներ հայերէն և ֆրանս. գիրքերու և հանգէսներու:

Հ. ՍԱՐԳԻՍԵԱՆ

Նախկին պետ հռչակաւոր Օմէլա ժամացոյցներուն ժրնէվի գործարանին կը ստանանք ամէն տեսակ ժամացոյցներու և ոսկերչութեան վեփերարեկալ նորոգութիւններ, ունի իր մասնաւոր գործատեղին: Շատ լուրջ և խնամուած աշխատանք կ'ապահովցնէ իր յաճախորդներուն: Ամէն անոնք, որոնք խոշոր ժամացոյցներու նորոգութեան պէտք ունին, թող քարժով մը իւրացնեն, առանց ծախք պահանջելու իր ներկայացուցիչ բանւորը տուն կ'երթայ: Իսկ իր վաճառատան մէջ ամէն տեսակ ապրանքներ կարելի է գտնել շատ աման գիններով: Հասցէ՝ 29, rue Mathis, 29, Metro Crimée. (Direction porte de la Villette), Autobus et tramway Opera—porte de la Villette. 7—25

Le Gérant: C. PIOT Imprimerie "ABAKA" 83, Rue de la Santé, Paris.